

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

集部
第一二九冊

責任編輯：孫言誠 賀 偉

ISBN 7-5333-0615-5



9 787533 306151 >

EB42/03

四庫全書存目叢書·集部一二九

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092毫米 16開本 45.25印張

1997年7月第1版 1997年7月第1次印刷

印數1-100

ISBN 7-5333-0615-5

Z·60 集部定價：127800圓

集部第一二九冊目次

集部·別集類

幽心瑤草一卷學孔精舍詩鈔六卷補輯雜文一卷附錄一卷

〔明〕孫應龍撰

北京師範大學圖書館南京圖書館藏清光緒六年獨山莫氏刻孫文恭公遺書本

百可亭摘稿七卷詩集摘稿二卷

〔明〕龐尚鵬撰

中山大學圖書館藏明萬曆二十七年龐英山刻本

石泉山房文集十三卷

〔明〕郭汝霖撰

浙江圖書館藏明萬曆二十五年郭氏家刻本

耿中丞楊太史批點近溪羅子全集二十四卷（一）

〔明〕羅汝芳撰 耿定向 楊啓元等輯評

福建師範大學圖書館中國社會科學院文學研究所藏明萬曆刻本

幽心瑤草一卷學孔精舍詩
鈔六卷補輯雜文一卷附
錄一卷

〔明〕孫應鼈撰

北京師範大學圖書館南京圖書館藏

清光緒六年獨山莫氏刻孫文恭公

遺書本

附《四庫全書總目·學孔精言

舍彙稿十二卷》提要

幽心瑤草一卷

明清平孫應鼈山甫撰

寄學孔書院諸會友瑣言

立志以聖賢爲歸學道以倫理爲準

天惟虛故萬物皆容心惟虛故萬善皆納天之生物若
有一刻之停則造化便息心之理若有一刻之閒則
道義便泯

不以君之心爲心爲臣便不忠不以親之心爲心爲子
便不孝終身可行信惟一恕

道不稽諸孔孟雖貫穿百家不足以言道學不本諸身

幽心瑤草

心雖涉獵千古不足以言學

忠信之資聖凡同具能充之便做得聖人不能充便止
於鄉人

此身與天下國家共爲一物者也不知立其身以爲天
下國家之本失此身矣此心與天地萬物合爲一體
者也不知充其心以盡天地萬物之大失
此心矣

人之所以同於禽獸者血氣也所以異於禽獸者義理
也終身惟血氣用事不知義理爲何物是不能存其
異於禽獸者而惟存其同於禽獸者耳

虛名客氣冗具羨財貪求而不知止怨府畏途禍胎鬼趣顛冥而不能出雖有人之身殊無人之實

命數既定豈容強求稟賦有限何以妄想不知修德反身惟欲行險僥倖過用其心自喪厥善

世人莫不有聰明可惜不在自己性分上留聰明世人莫不有作用可惜不在自己性分上善作用終歸無益其何有成

心是活物出入靡常如就規矩則日精日微任其放蕩則愈驚愈遠造入精微則天地萬物且將貫通流於鷺遠則百骸四肢亦無管束

幽心瑤草

二

人心至神者也物蔽之則不神人心至明者也欲昏之則不明去我本無有何煩難復我本有豈不易簡義利關頭卽有夢覺之別悔吝介內遂爲生死之歧差但毫釐謬逾千里故大易惟揭知幾而宣聖首示慎獨

古之聖人惜寸陰古之賢人惜分陰今之學者去古聖賢遠矣悠蕩自遂老大無成何異暴棄

氣浮者其心亂言多者其心粗色矜者其心驕容傲者其心窄斯人也難與爲仁矣心實者其外莊行修者其辭謹內虛者其容謙衷和者其氣平斯人也可與

入德矣

獨立不懼眞是在我天下非之而不顧者也邈世無悶眞得在我世不見知而不悔者也今之學者一人非之便立不定只見有毀譽何曾見有道理一人不知便懷不平只見有得失何曾見有義命

度量如海涵春育處事如行雲流水操存如青天白日威儀如鳳毛麟趾言論如敲金戛石持守如冰清玉潔襟抱如光風霽月節概如泰山喬嶽

富莫富於蓄道德貴莫貴於爲聖賢榮莫榮於守義理安莫安於盡倫常樂莫樂於養性情亨莫亨於行仁

幽心瑤草

三

義大莫大於充學問壽莫壽於全性命心若有主不拘應事接物讀書作文全是眞宰運用是我制外心若無主不拘應事接物讀書作文全無安頓去處是外制我

市井之愚夫愚婦看劇戲本遇有忠臣孝子義夫節婦觸動良心悲傷涕泣不自禁卒有敦行爲善者吾輩士大夫自幼讀聖賢書一得第後卽判而棄之到老不曾行得一字反不若愚夫婦看雜劇者雖謂爲市井之罪人可也

視朝廷重則爵祿輕視父母重則妻子輕視兄弟重則

財產輕輕其所重重其所輕不知類也視性分大則宇宙小視道義大則禍福小視綱常大則死生小小其所大大其所小不知務也

根本盛則枝葉茂泉原長則流派遠故學者務先修德鏡明則物無遁形衡平則物無隱數故學者務先養心

仁者惻隱之心今且不必講別的惻隱但能知道自家惻隱便可與言仁矣智者是非之心今且不必講別的是非但能知道自家是非便可與言智矣

孔子曰仁者天地之心須時時以此激昂不失了我的

幽心瑤草

四

心便不失了天地之心孔子曰天地之性人爲貴須時時以此策勵不墮了我的性便不墮了天地的性人只有這點心卻使之不能自作主東挨西靠而卒無以自立所以此身只東倒西攆而無以自立於天地之間

聖賢言語如遍地黃金今人皆棄夫也若肯低頭拾起便可足衣足食而卒無人甯甘饑寒以斃悲夫

六經四子如藥今人皆病夫也若肯審究已病或攻或和始因病以得藥終病去而藥忘亦卒無其人甘謹疾忘醫滅身不悟悲夫

萬曆甲戌七月朔日會未撰於鄖臺之冰玉堂

幽心瑤草一卷

幽心瑤草

五

合刻孫文恭公三書跋

徵文獻於中州易徵文獻於邊省難而在吾黔省尤難黔之建置自明始積時未久文獻無多而又治日常少物力寡助縱有可傳不能登刻行世卓然著見者如理學則有孫文恭李同野馬心庵當日非不振起前修彪炳六藝未及百年而著述文章消沈過半當日撫黔爲郭公青螺手著黔記徵采登錄不遺餘力亦未及百年而與之俱盡嗚呼莫爲之後雖盛弗述後之學者仰望風流思欲踵其芳躅豈可得乎理學三先生各有著述予二十年前猶及聞文恭學孔精舍彙稿爲撫黔者檄

王敬

取購求而去夫能於購取誠賢矣而竟拔本而去俾一綫之存竟成絕響視郭公何如非徒追慕之爲難而表章傳述之爲難近語一篇始亦不及見自予師田山簞先生撫黔力事徵采予始錄於同里趙某家既鈔錄以應存有草本未及三十年予讀禮歸始閱前本又復遺其半予滋懼焉乃覓之清平公族裔欲補成全璧卒無以應會張生維際盛子以學孔精舍瑣言見覆如獲拱璧閒又得論語下卷由施秉顧孝廉進也至武陵得秦中教士十六條於張太史志尹家乃合刻以行世夫存其什一可以見先生於藝牆矣人情貴獨而賤眾貴難

而賤易無先生之著述而先生之名或因之而貴有先生之著述而先生之實不因之而學且眾乎難與易惟其自取爾有志學先生者得此本思過半矣無事他購焉可也蒲水王標合跋

王敬

孫山甫詩集序

嘉靖初五星聚東壁明德中興海內文章道術至是隆盛閱四十五年摘菁挾藻之家朝野相望孫淮海山甫以辭翰起家給中入史館遷諫議大夫上命督關西善作士與遂庵漁石齊名甲子春移鎮劍南始按部訪余江門釣臺余逃空谷久見君嫺雅蘊藉栩栩若平生驪明日從事來齋所得南遊以後諸體詩五百餘篇相印可余掃石披雲一再讀歎曰吳大帝之後散亡列國若淮海者其詩蔚然有江左風流其雋永閎幽自鮑謝諸人不能過也始吾讀李獻吉詩謂如嫺皇持鍊補天石

學孔精舍詩鈔序

奔走百靈雷電日月星辰並躡爐冶讀何仲默詩如黃鍾在懸金石發作伶坊供奉之官莫不按宮商謹節奏其橫放處如項羽提三尺劍出江東不必斬將擧旂而登壇嘯咤千人皆廢讀張愈光詩如巨靈擘太華黃虜太醫決瞿唐其險怪詰屈雖不中繩墨定知出鬼神手而無斧鑿痕今吾讀山甫詩則如七十二君封泰山望見滄海有無中蜃氣樓閣盤薄煙霏景光萬狀便翛然起仙靈霞外之思如君茲選常與高子業顧華玉格力相埒誠足剴建安鋒矚六朝勲惜二君已宿草不及見也吾聞龍嘘氣成雲雲之靈龍馮之然龍非雲之所能

使爲神物也人噓氣成聲聲之精者爲詩人豈詩所能使爲聖賢君子者哉語曰明珠彈於飛肉其得不復周鼎鑄倕而斲其指明大巧之不可常也淮海固欲爲聖賢君子者其神明內蘊思若懸河吾懼其或嘗試于大巧也故以是節之南充任瀚

學孔精舍詩鈔序

學孔精舍詩鈔總目

明清平孫應鰲山甫撰

卷第一

古體詩一百七首

卷第二

古體詩七十四首

卷第三

近體詩一百六十七首

卷第四

近體詩一百二首

學孔精舍詩鈔總目

卷第五

近體詩一百九十二首

卷第六

近體詩二百五十五首

右古近體詩六卷凡八百九十七首

學孔精舍詩鈔卷一

明清平孫應鰲山甫撰

騷體

謁南岳廟祭神三章

精意嚴兮叶靈德盛昭兮式聽舞雲門兮楚伶禮樂備
兮廣庭實沈光兮中星溫風純兮赤靈神之來兮山青
謁都房兮芳馨

昭順樂兮布舒和神威靈兮南陸圖姦紛亂兮四海嗟
乞靈瞻兮民望多羌庶幾兮翳舞歌奠寶鼎兮永不磨
處高明兮百禮加玉帛陳兮紛列儀

學孔精舍詩鈔卷一

朱鷺咽兮爛斑禮卒度兮意閑雲飄揚兮滿山神穆穆
兮欲還神不言兮中間恍恍見兮和顏望神馭兮誰扳
耿湘流兮潏潏

四言古

南遊得寶劍上有赤符作赤符曲

南遊炎方神物收藏雲火其光掘精拭芒靈異孔彰赤
符載揚北斗夜霜南星炯昌照耀飛翔四達靡常蛟龍
在陰虹霓在陽倚臨八荒煥海文章可以愛身為君子
防畫影朦朧騰空霞終胡為來斯奇英景叢琉璃作函
蓮花為綫鐔苑室衣金鑽罕同提攜氣怗佩服志崇臚

魅伏僵幽隱潛通寶器難逢當致功感慨激昂爲丈夫
英雄四方多尤一人多憂千戈不休廊廟忍羞何物可
酬終當見求揮斥九州直萬物猶霞吞煙收雲迷烏愁
插千胡邱殄殲旄頭功可全修物不暗投結約邀仙朱
陵同遊

五言古

己酉十月十三夜夢身挾兩羽飛入天宮見玉皇
帝命作步虛詞一首以進覺而識之

上天何高高鼓翼一躋攀耳聆仙聖語身在碧空閒鳳
凰繞金殿虎豹峙玉關長望倚閭闔紅雲時往還

學孔精舍詩鈔卷一

養病秋懷

涼飈凝蕭辰秋晏百草折稜稜商氣深蒼蒼煙撤宏
景怨寒夜惠連悲淑節陳思嗟轉蓬文通慘離別憂來
無端倪矧復疾病結將因餐落英味苦不能說

山堂

山堂忽已暝寒雲千嶂肅蒼烟交叢桂玉露凝佳菊狂
斟濁醪飲細檢離騷讀久病儔侶稀端居憐幽獨

送陳對華

柔風散佳時鮮雲披平楚眷言洽歡遊忽爾牽愁緒故
里冠蓋稀君今復行旅並轡饒遠郊杯亭牙旌舉目極

千里遙春心渺何處公程期早旋無令久延仁

東陵寺

逸客無俗軌靈區寡塵迹躁靜實異緣趣景各有適東
陵表黔中奕奕清虛宅長樹莽回抱峭壁隱絡繹漸次
入雲林潛覺市途隔洞天忽開朗徑磴遞掀擲飛崖覆
遠空坐臥平於席風雨萬壑驚泉響瀉崩澗芳木遙沈
翠素煙突浮白以茲飄瀟境契我泓澄積相對各忘言
孰信有真益度阿願考室故里況咫尺終當謝世鞅託
此忻晨夕

省觀暫息太元亭詠懷十首

學孔精舍詩鈔卷一

三

羈旅若泛舟艤泊孰能擬園亭夙棲遲爲別徒邈迤假
節今歸來山川信開美淨境洽素襟嘉緣續芳履森森
萬象閒坐對渾忘已移文非我譏至人本無累
用里常棲巖於陵亦灌園達性慮累遣適分道能敦譬
彼鸞鶴翼常畏繼邱樊我生良非晚心淵懷靈根拔迹
忝薪樵雅情惟隱淪物色列筵几幸此怡芳樽
千章擢秀木百畝臨平莊蔚茂當炎夏多陰正可涼礪
何實本致斯景況幽藏清風娛疏荷細籜抽叢篁邱壑
響俄定泉溜聲琳琅薄態與願違遐舉偕情長
十年選奇勝不假筮與卜靈泉得奧區編蓬遂成屋聽

琴疾能愈習靜念自伏榻來整冠佩宿業負深惡鳴鳳
功伐疏舞鶴生計縮回首清冷遊蒼翠慰心目

高士有洞觀亦貴居要妙別墅茲澄鮮神情啟臨眺青
邱帶暘暉翠煙上蘿薦往古不可興遺言窺末照覽書
意有合悠然發長嘯賞理林壑間自信非凡調

聃莊方外人言詮頗奇崛雌雄貴知我蝴蝶乃齊物朗
鑒信斯存世途何牽拂力競詎足伸天全未爲屈自緣
幽興生轉覺道情鬱飄飄何外慮華苑眞蒼蔚

倚檻矚暮垌天際亂歸羽川氣斂夕曛山影淡秋霧遙
遙羣牧還忽與樵侶聚微鐘度松風苔徑紆閒步東嶺

學孔精舍詩鈔卷一

四

朗魄升月色在高樹廣心若空虛道勝復何慕

中局抱靜慧觀化思太元機緣互倚伏哲士寡累牽把
釣有春渚洗耳稱潁川愚公谷隱秀泊子巖棲賢茲山
足靈僻披豁心油然他年遂初服前脩倘比肩

元亭有桂樹蒼蒼煙霧林其幹一何直其根一何深植
木有本性由來堅固心撫景日偃仰開軒獨長吟華葉
迴馥鬱風霜惟蕭森三復淮南辭攀援情難禁

公程難久留王事況繫紲稅駕未云幾綴賞忽將別本
乏丹楫才且復去巖穴良辰違奇懷踟躕念方結先聖
亦有言出止無定轍知味在聞韶至理非外說

南望鬼谷山山有蘇秦亭張儀井

女愛不做席男歡不盡輪功名烜赫時能不思逆鱗蘇
季旣入燕張儀亦相秦吁嗟鬼谷子千古稱高民高民
今何歸山水仍熹微

贈別王敬所三首

瑤華耀海月七采開清暉丹水濯鳳羽錯落搖黃璣至
寶豈常倫嘉祥世所希寂歷廊廟閒夫君獨振衣圭瓚
秀追琢簫韶偕音徽紛予懷德情眷戀徒因依聽之不
盡響玩之有餘暉

荆榛滿世路結交古今難肝膽異畛域誰爲同志歡美

學孔精舍詩鈔卷一

五

人何綢繆高義故多端酌我醴泉水佩我芝田蘭披我
錦繡段餐我金琅玕永願依聲韻詎云齊羽翰瞻彼樅
與檜歲暮殊凋殘

別促怨已深交遠念方永睠茲佳人期行旅戒夙請飛
蓬獨長征轉盼嗟俄頃章江春水增歸鴻鳴何迴青堤
帶橫煙丹霞清夕景心曲亂流波遙遙隔林影浮雲何
再逢居然嘆萍梗

南岳道中

懷山夙昔志茲行方悠哉逍遙入長林泠泠谷風來旒
旒變眞境腫脹轉曲隈松深儼行列泉響相紆迴眷景

淪心慮煙雲行賞開

登山

好山孰云癖名岳矧崇遠遵途指靈局攝袂陟奇巘沿
湘徂千里凝睇重華阪九向若縱橫九背復舒卷及茲
遊混濛采真獨偃蹇望美先釋懷探幽數忘返自覺青
天闊誰云白日晚

半山亭

侵晨發山麓亭午憩山半仰止若易窮攀援益元晏雲
遊導和風樹交排絕岸在路泉石分開林晴暝判清曠
藻野鮮厯厯引雄觀逶迤不知疲絕頂冀佳玩翻歎入

谷初望此已霄漢

學孔精舍詩鈔卷一

六

衡山絕頂二首

扶桑拂晨明廣輪豁方域高春轉懸車羣動肅棲息五
岳信棲層耿茲奠南國屢覺陵阜迷方訝星辰仄下視
連蒼蒼孰云非正色以我寤寐懷豈憚險艱力行行陟
冠峯不假雙飛翼冥心四時春異景萬古特欣樂偶澹
然敦曠自茲得

平生不能至湘夢隨南流既至亦恬然情懷良悠悠乃
知寄幽賞惟以追冥摅迴岡隱佳樹列苑標神邱五峯
何鬱盤三春復佳柔淳汎朝夕池芬藍几席浮何當返

初服對此長淹留

南臺

山勢本非別啟途何殊觀境界稱疏密氣候異燠寒中
峰日正果南臺雨未乾岳靈不可測長嘯青雲端哀壑
一以扣幽堂居能安虛牝清泠聲況復契中丹

朱陵

靈臺鬱迢迢太虛森寶棟上懸紫蓋峰下注朱陵洞芙
蓉映水底赤日奇葩動萬壑隱新鮮千巖互將送曲澗
濯星衣長簾綴霞綬調琴嬈遺音鼓簫展餘弄緬彼雲
壑姿屈此松筠夢變化愧臥龍行藏思蹲鳳

學孔精舍詩鈔卷一

七

方廣

昭晰既已眺幽邃杳難尋祝融一何高方廣一何深秀
峰簇蓮嶠危澄環香林靈春舒光彩法界逾蕭森仙源
寶元渺萬壘移迷岑採藥更何往踟躕西日沈感茲曠
世懷孰識非滯淫

兜率

孤界抗長暉淨緣愜幽甸路絕徑仍通流芳突舒顯山
際萬木叢巖端一樓見豈不畏詰屈偶此脫浮戀華風
起豐茸曾嶺發葱蒨耳目信翰映物外復誰擅振衣千
舌豪厯落迴英盼

集賢

玩水豈聽響登山非眷崇懷遐意有適體逸興罔窮端
言古高民英遊場令風著書竟卒歲談道屢契衷衣冠
悲斷續覺夢驚瞳朦石室藏既滅絕壁題亦空眷子卜
鄰心投迹倘無同

青玉壇

輿區一咏遊遂與煙霞偶心迹兩寂寞身世復何有橋
危僅累足景絕自揮手居然頑似鄙攀蘿坐傾陡懸均
無重輕趣如任奔走倒影上出岫橫野下藏斗珠瑛氣
俄封林籟聲乍吼遐哉耳視人崇岱一培塿

學孔精舍詩鈔卷一

八

黃庭觀

深淵獨靜明崇邱頗蔚嘆逝情轉長攀高道孰貴聊
耽熙曠遊數向蓬壺憩雲幄燦繁星丹房蒸三炷草木
饒花實錯落皆滋味招隱結幽棲巢居得所慰

卜築衡山四首

山岳鍾神秀衡霍美今昔春服結勝遊時景曾有適倘
徉坐晴林綢繆倚幽石捐佩意非遠釋袞情自赤蟬蛸
不知年寸晷煩憂積願以和靜心一得混茫迹壤父歌
道中耕鑿更何擇

經世乏長策見素質寸心爰卜萬古宅一寄紫雲岑越

鄉諒非遙逃名夙所欽五峰雜昏曉四時稠卉禽飄瓦
闕浮怨道勝非陸沈何以寫我懷高泉流商音又何清
我神光風披空林

老氏有高蹤不爲屈元纁法真身難見唯有名可聞誰
能混泥淖所志希青雲開軒敞華宿歸壁藏靈文步虛
夜逾靜時禮祝融君出北撫喬幹山南採苾芬既與水
石友載隨麋鹿羣

養性託柔境栖翔眷秀鄉一投初始地旋復返清涼隱
弁恣遐登思慮已盡忘目覩芝蕙馥想屬水雲長松風
播韶夏端默遊虞唐河清未有期花落寧再芳再拜申

學孔精舍詩鈔卷一

九

尋盟斯言式我將

別山

愛山復出山既出行當返路逢數少年執筆作書卷行
行欲相親化鶴飛絕巖機心久消忘道情日紆遠何事
驚且疑煙林隔蘿幃招搖可歸來與爾棲神苑

華山詩八首

元致夙靈臺登臨資內觀仙迹富華岳巖谷迴茫端疑
目神已豁躡足興不瘳倚岸聊解佩擇枝先脫冠崎嶇
豈冒礙天機動新歡奇翮奮空遠清風生畫寒冥契自
僧樂獨遊誰稱難平生幽遐心覽茲逾舒寬

雲薄散煙姿山深發泉響還復窮神奇孰云適蒼莽俯
投磐石底轉出險徑上日影隨風橫金翠亂消長寥閨
理無涯卷舒情還爽仲尼昔聞韶忘味愜心賞緬余滌
塵容眷此高山仰丈夫遠覽懷古來稱航艤

入谷千萬盤絕頂信難至身前石峻嶒足外壑深闊織
鐵穿寸橋削木綴單騎欲止負初懷擬進轉驚悸來非
不貳心寧免遺書淚陷水在無私陟山亦同類尺寸罔
愆步冠峰竟能企始知厯高曠穹壤皆俯視

華山若君子先民遺良言盡日望靡厭松柏茂以繁山
上茂松柏谿邊饒蘭蓀滿香亂煙道平翠迷雲根香翠

學孔精舍詩鈔卷一

十

長不歇雲煙互吐吞仙都出欲界塵世何翳煩一身本
自由驅時易寒溫既以同彼視何能喪吾存

山峯芙蓉秀山澗芝蕙芳客至暮春候高歌月幾望晚
色漸收照林皋何混茫崖際映微白流暉突飛翔孤嶂
激幽籟萬樹披寒光頽境頓元潤屏息怡清涼安道曾
破琴馮亮亦結房二妙誠高步予何獨彷徨

神岳本峻美標奇發苞結谷轉晴晦分谿迴巒岫別東
西鬱相望兩壁何巖巖屈曲陟南峯九州幾邱垤玉井
一何甘十丈蓮初茁飲水醴露凝採花芳香擷笑談仁
襟抱容易塵想絕前山日月巖光景倏明滅

女蘿互纏綿猶欲附高檜矧我青雲志寧不履塵外獸
檻羨豐林魚懸慕清瀨志樂安知疲失路豈與慨卓哉
偶良遊適與元覽會理冥任寂喧物齊均小大高寒蒼
翠叢遠近遞煙靄澹然山水音蕭蕭滿天籟

昔年躋岫嘯已極平生心今窺素靈宮幽悰益蕭森名
山偕夙嗜高民多雅音不觀西遊子來隱茲山岑萑蒨
發舊池丹竈閒空林指寶誠可拾要在探其深湯湯大
河流日落生重陰感物增嘆息徒令時變侵

廊時

秦文昔遊獵車馬闐渭汧大蛇感幽夢史敦強稱賢上

學孔精舍詩鈔卷一

十一

帝豈徵祠迂哉祀皇天赤帝兆遠祥萬事非偶然廊時
西南隈長城力徒慳廢興本尋常令人私自憐

別周苒厓

扣君朱絲絃和君白雪篇知音在同調異代誰稱賢女
蘿附喬松託根長自憐薈蔚嘉難踰纏綿意已傳君行
振羽翼輔佐堯舜年爲樂信能幾惜別翻凄然高吟引
心旌歷亂梅花前梅花入君懷我夢應勾連

礪溪

礪溪何粼粼邃壁亘長藪石上煙靄封雨膝迹未朽本
非持釣人常釣但在手強起離溪頭風雲復何有鳳鳴

山尚存麟遊水猶瀾徘徊欲言旋月落渭川口

種菊

昨夜春雨滋曉起自搔首分菊二百莖繞徑皆佳友遲爾霜下傑對我樽中酒故園繁露叢感此情何有

疑冢

疑冢七十二曹公慮已極王業況難存枯骨豈能必高原下牛羊日暮生寒色

銅雀臺

銅雀何從來銅雀何從去銅雀空有名美人果何處無情漳水流滔滔竟何注

學孔精舍詩鈔卷一

三

具茨山

黃帝遊具茨道過襄城野當時七聖迷憐子獨駐馬南華有真詮自愧悠悠者

紫霄福地

丈夫萬古志安能守隅窳結髮遊名山五岳恣臨眺照曠愜茲遊福地結幽妙百折頰靈標千盤陟仙嶠南巖翳紫霄天柱迴孤照蒼莽玉虛中五龍倏吟嘯須臾風怒號聲止空眾竅雲月霽霄晨雲霞榮蘿薦猿禽不驚人飛走互繚繞巖棲昔所欽隱几懷高調良晨惜難再老至豈復少吾將尋靈源採藥垂常釣儻逢偃佺子一

叩環樞要天地自久長萬物不相肖濯足漱正陽瞭然振柔嘯

緬懷

緬懷達人軌夙志靜者樂中齡遊楚澤五岳偕幽約靈奇襲峰間紫蔚煥邱壑高迴日月姿秀裹松筠萼虛危轉乾樞河漢紫坤絡雄俊杳莫倫神明詎能度峻峻中極表五城燦樓閣萬有列儀象九光散煜燦對此怡心神悠悠入寥廓始知登高者大觀非妄託千古瞬息聞六合何浩博丈夫圖不朽安足較龍螭遐哉環中理握者竟何泊大道儻有聞聖智信如昨

學孔精舍詩鈔卷一

三

述祖德

炎黃闢慶原後代承綱維風雲燦英烈雲仍信委綏物理重初始族系傳德滋懷我上冑裔雉皋繁幹枝皇朝開天地從龍興義師功成裂爵土世祿清平睡三傳奮大祖業儒崇聖規衰然舉上第政教場當時郡丞八桂林掛冠不可追高風動有府肅祗贊偉奇祖氏卽嗣興梁益芳譽垂循良挺謠頌磨涅眩磷緇依然振遠調納綬歸江涓吾父績前服文彩光陸離講幄橫六經絃誦環健爲百里歌神君盡化哀牢夷總管佐滇雲豈復恤所私例滿罷謁選焚牒甘自頤榮華亦健羨清約信足

持鄉里懸雅躅祚閥崇厚基遂令高大積允及菲薄兒
載質二十稔列秩參中司拊循轉疎仄盜非逾分涯戴
勝既堪憂履滿誠當思進慚責任隆退恐報補遲獨不
鑒往昔何能待來茲爰抗引疾疏庶偕舞綵期大道無
險徑詰人有廣居生平諒靡負冀免皓首悲本源安可
忘請觀先世遺

小飲許少華宅少華初得子

我生同君庚葭親托肺腑少年共嬉遊半百今何補忽
聞英物啼君始爲人父一杯遞相斟山房月初吐不速
客偕來三人共歌舞明星照疏筵烏鵲翻庭樹得子何

學孔精舍詩鈔卷一

古

在遲晚器成圭瑀原知父母恩新有琴書主頭角簪鳳
麟善慶茲驗取我亦望懸弧期慰高堂苦歡劇醉莫辭
三復螽斯羽

空夜

月色湛空夜繾綣松桂林流光散叢薄蕭然生道心良
儔共邀伴一杯行自斟防微在戒寵遵晦偕雅音虛壑
射蒼靄微茫盤夕陰永言託幽迹三嘆揮素琴

毀譽

毀至詎足恟譽來靡堪悅素秉松苓心永抱商皓節讒
深慈母疑交移故朋絕禍福兆無垠倚伏自更迭墜鼠

憫虞氏遇盜悲牛缺萬事付虛胎行矣遵前哲

選卜偉拔山

茲山信偉拔選棲願靡違青翠鬱高重巖壑莽千圍融
結挺靈異藏育生光輝雅宜虛豁境日夕娛清暉石搆
劇幽險吾廬恰因依山南饒水竹山北多蒺藜既已足
吟眺且得慰渴饑貴賤各有適君子重知幾悠悠猿鳥
性冉冉雲霞衣四序渾忘憂百年堪息機野老時過從
農桑話荆扉身世兩相棄焉知是與非寄語城市人巢
由吾同歸

家大夫植杜鵑花二株於松竹行窠栽已十年高

學孔精舍詩鈔卷一

五

逾三丈開時如火扶疏豔麗的可愛

躑躅繁山花紅英開無那飛霞映長天列炬豔高座栽
培歲滋深抽簪益崇大對月酒杯空舞風顏色破愛爾
殿春殘慰我孤齋坐

送郭慊庵

投交二十年會面含深情旅邸雖濡留愜我故舊盟君
侯金閨彥西臺播芳聲孤操罹譏詆郡邑歲屢更調補
復荒微嗽崎萬里行世路有仲屈人事多虧盈願君慎
居諸俯仰保令名博南山獨高瀾滄水獨清山水意不
極悵悵懷西征